



მესტიის მუნიციპალიტეტის საკრებულოს საინფორმაციო გამოცემა, 2022 წელი, №2

300 წლის უმეფავ სახაჩთფელო წმინდა მიწას უკუხდობა

წელს, ნათლისღების დღესასწაულზე, საქართველოს პრემიერ-მინისტრმა, ბატონმა ირაკლი ლარიბაშვილმა ყოვლადწმინდა სამების საპატრიარქო ტაძარში ბრძანა, რომ „მისი უდიდებულესობა იორდანის მეფე აბდულა II-ისა და მისი უმადლესობა პრინც ლაზის მიერ მიღებული გადაწყვეტილებით, საქართველოს გადაეცა მინა მდინარე იორდანესთან, მაცხოვრის ნათლობის ადგილის მიმდებარედ“.

მისივე თქმით, „ყველა ქართველისთვის სასიხარულო მოვლენა შესაძლებელი გახდა საერო და სასულიერო ხელისუფალთა ერთიანი ძალისხმევის შედეგად. ფასდაუდებელი იყო ჩვენი ძვირფასი პატრიარქის, მისი უწმინდესობის, საქართველოს კათოლიკოს-პატრიარქის ჩართულობა, მისი დიდი საერთაშორისო ავტორიტეტი“.

ამა წლის 28-29 მაისს პრემიერ-მინისტრის ხელმძღვანელობით საერო და სასულიერო პირთა დელეგაცია იმყოფებოდა იორდანის სამეფოში და მათ მთავრობის, მართლმადიდებელი ეკლესიისა და ქართველი ხალხის სახელით მადლობა გადაუხადეს იორდანის მეფე აბდულა II-ს, პრინც ლაზის, იერუსალიმის პატრიარქ თეოფილე III-ს, იორდანის მთავარეპისკოპოს ქრიზოსტომოსსა და ყველა იმ ადამიანს, ვინც ჩართული იყო ისტორიული გადაწყვეტილების მიღებაში.

მადლიერების ნიშნად პრემიერ-მინისტრმა ირაკლი ლარიბაშვილმა იორდანის მეფე აბდულა II-ს ოქროს სანმისის ორდენი და სრულიად საქართველოს კათოლიკოს-პატრიარქის მისასალმებელი სიტყვა გადასცა. საქართველოს საკუთრებაში არ-

სებული 4000 კვადრატული მეტრი მინა მაცხოვრის ნათლობის ადგილის მიმდებარედ, მდინარე იორდანესთან 15-20 მეტრის მანძილზეა. სწორედ ამ ადგილზე პრემიერმა საზეიმოდ გახსნა მემორიალური ქვა, რომელზეც საქართველოს კათოლიკოს-პატრიარქ ილია II-ისა და პრემიერ-მინისტრ ირაკლი ლარიბაშვილის ხელმოწერებია. დელეგაცია მდინარე იორდანეს სანაპიროზეც იმყოფებოდა და პრინც ლაზისთან ერთად მოინახულა ადგილები, სადაც იოანე ნათლისმცემელი ცხოვრობდა და სადაც მაცხოვარი მოინათლა.

თავის მისასალმებელ სიტყვაში მთავრობის მეთაურმა განსაკუთრებულად აღნიშნა პრინც ლაზის, ასევე იერუსალიმის პატრიარქისა და იორდანის მთავარეპისკოპოსის როლი საქართველოსთვის მინის გადაცემის გადაწყვეტილების მიღების პროცესში.

მისი თქმით, უდიდესი ისტორიული მოვლენაა, რომ საერო და სასულიერო ხელისუფლების ერთობლივი ძალისხმევით შედეგად, 300 წლის შემდეგ საქართველო წმინდა მიწას უბრუნდება:

„დღეს ისტორიული დღეა. დღეს ჩვენ ოფიციალურად გადმოგვეცა მინა, სადაც აშენდება ქართული კულტურის ცენტრი. ეს არის ყველა ქართველისთვის ალბათ საოცნებო დღე, ვინაიდან ქართველები, 300 წლის შემდეგ ვბრუნდებით წმინდა მიწაზე... ამ საქმეში ფასდაუდებელი წვლილი აქვს მეფე აბდულა II-ს, პრინც ლაზის, ასევე იერუსალიმის პატრიარქს, ჩვენს პატრიარქს, ჩვენს მთავრობას. ჩვენ ყველამ ერთად ვიმუშავეთ იმისთვის, რომ ეს ისტორი-

ული ფაქტი დამდგარიყო დღეს და ჩვენ ყველანი ვართ ამის მომხრენი. კიდევ ერთხელ ვულოცავ ყველა ქართველს, ყველა მართლმადიდებელ ქრისტიანს ამ მნიშვნელოვან მოვლენას“, - ბრძანა პრემიერმა.

თავის მხრივ, მდინარე იორდანესთან, მაცხოვრის ნათლობის ადგილის მიმდებარედ, საქართველოსთვის მინის ნაკვეთის გადაცემის შესახებ ჟურნალისტებთან ისაუბრა საქართველოს დელეგაციის წევრმა, საპატრიარქოს საზოგადოებასთან ურთიერთობის სამსახურის ხელმძღვანელმა, დეკანოზმა ანდრია ჯალმაიძემ:

„პირველ რიგში, ვულოცავ ყველას, მთელ საქართველოს. ემოციურად ეს ძალიან სასიხარულო დღეა, ფაქტია სასიხარულო. ისტორიულად ეს არის გაგრძელება ჩვენი წმინდა მიწაზე მოღვაწეობისა“.

დეკანოზ ანდრიას თქმით, ეს იქნება ერთ-ერთი რგოლი ამ ჯაჭვში, რომელიც საქართველოს აკავშირებს წმინდა მიწასთან.

„ყველაზე მნიშვნელოვანი არის თავად ფაქტი, რაც მოხდა და რაშიც ძალიან დიდი წვლილი მიუძღვის ბევრ ადამიანს, ვინც საქართველოსადმი კეთილგანწყობილია, იორდანის მეფეს, პრინც ლაზის, იერუსალიმის პატრიარქ თეოფილე III-სა და, რა თქმა უნდა, საქართველოს კათოლიკოს-პატრიარქ ილია II-ს, ზოგადად, ჩვენს ეკლესიას.“

ამას ექნება ძალიან კეთილი გაგრძელება. სახლი, რომელიც აშენდება, იქნება წარმომადგენლობითი. ის წარმოადგენს საუკუნეების განმავლობაში საქართველოს, ქართველი სასულიერო პირების აქ მოღვაწე-

ობას, იმ სასულიერო კერებს, რომლებიც წმინდა მიწაზე არსებობდა. ძალიან დიდი მნიშვნელობა ექნება თავისთავად ამ სახლის არსებობას და მის შემდგომ ფუნქციონირებას. შესანიშნავი ადგილია... ვფიქრობ, ეს ყველასთვის ძალიან სასიხარულოა და აქ მოსვლა ძალიან მნიშვნელოვანი იქნება.

რა თქმა უნდა, დიდია პრემიერის როლი ამ საქმეში. ჩვენ ვიცით, რომ ასეთი მარტივი თემა არ არის მინის გადმოცემა წმინდა მიწაზე საქართველოსთვის. ბოლო პერიოდში თუ გადავავლებთ თვალი ჩვენს ისტორიას, ტერიტორიებს უფრო ვკარგავდით, ვიდრე ვიმატებდით. დაე, იყოს ეს საწინდარი იმისა, რომ საქართველომ თავისი ტერიტორიები დაიბრუნოს და, ზოგადად, შევიძინოთ ის, რაც, საბოლოო ჯამში, სულიერ შედეგს მოგვითმის“, - დასძინა დეკანოზმა ანდრია ჯალმაიძემ.

მდინარე იორდანესთან, მაცხოვრის ნათლობის მიმდებარე ტერიტორიაზე, საქართველოს კათოლიკოს-პატრიარქ ილია II-ისა ლოცვა-კურთხევით, ხელისუფლების მიერ 4000 კვ.მ.-ზე მოეწყობა ქართველთა კულტურული ცენტრი. იგი იქნება ქართველებისთვის ჩვენს დროში პირველი ოფიციალურად გადმოცემული ადგილი წმინდა მიწაზე. აქ გამოიფინება არქივებსა და ისტორიულ წყაროებში დაცული და წმინდა მიწასთან დაკავშირებული მასალების ასლები და შეიქმნება სათანადო გარემო როგორც ჩვენი მომლოცველებისთვის, ისე ისრაელსა და იორდანიაში მყოფი ქართველებისთვის.

ინფორმაციის წყარო საქართველოს მთავრობა

მწვერვალი „იაპონია“

მოგახსენებთ, რომ მესტიის მუნიციპალიტეტის საკრებულოში 2022 წლის 30 მაისს, მესტიის მუნიციპალიტეტის მერიამ შემოიტანა ინციატივა გეოგრაფიული ობიექტისთვის: მესტიის მუნიციპალიტეტის ადმინისტრაციულ საზღვრებში, ლეხზირის ხეობაში მდებარე „სამხრეთ სვეტლარი“-ს მწვერვალს (გეოგრაფიული კოორდინატები: X: 321923; Y: 4777078; სიმაღლე ზღვის დონიდან 3886 მეტრი) მიენიჭოს სახელი „იაპონია“.

აღნიშნული საკითხი გახლავთ მესტიის მუნიციპალიტეტის მერის, მესტიის მუნიციპალიტეტის



საკრებულოს თავმჯდომარის და საქართველოში იაპონიის საელჩოს ერთობლივი ინიციატივა, რომელიც მიზნად ისახავს საქართველოსა და იაპონიის შორის არსებული მეგობ-

რობის გაძლიერებას. საქართველოსა და იაპონიის დიპლომატიურ ურთიერთობას 2022 წელს უსრულდება 30 წელი. ამ წლების მანძილზე ორმა ქვეყანამ განავითარა ურ-

თიერთობები პოლიტიკის, ეკონომიკისა და კულტურის სფეროებში.

შეგახსენებთ, რომ იაპონიას მესტიის განვითარებაშიც აქვს წვლილი შეტანილი. კერძოდ, იაპონიის საელჩოს საქართველოში დაფინანსებით შესაძლებელი გახდა მესტიაში შექმნილიყო სარეაბილიტაციო ცენტრი სპეციალური საჭიროების მქონე ადამიანებისთვის, რომელიც 2019 წლიდან ფუნქციონირებს.

მესტიის მუნიციპალიტეტის საკრებულოს შესაბამის კომისიაში აღნიშნულ საკითხზე მუშაობა უკვე

დაწყებულია. ჩატარდება მოსახლეობასთან შეხვედრა და საკითხის საჯარო განხილვა. შეხვედრის თარიღი მოსახლეობას სოციალური ქსელის საშუალებით წინასწარ ეცნობება.

აღნიშნულ საკითხთან დაკავშირებით მოსახლეობის წარმოდგენა მოქალაქეებს ერთი თვის განმავლობაში შეუძლიათ, როგორც ელექტრონული: mestiasakrebulo@gmail.com-ზე, ასევე წერილობითი ფორმით მესტიის მუნიციპალიტეტის საკრებულოს აპარატში - მის: დ.მესტია, სეტის მოედანი N1, 1-ლი სართული.

ივარის სჯარო სკოლას ჯვხაეთის ომის გმირის, ზურაბ გურჩიანის სხელი მიენიჭა

საქართველოს განათლებისა და მეცნიერების მინისტრის, ბატონ მისიელ ჩხენკელის გადამწყვეტილებით, მესტიის მუნიციპალიტეტის სოფელ ეცერის საჯარო სკოლას, 2021 წლის 1 აპრილს, აფხაზეთის ომში გმირულად დაღუპულის, ზურაბ გურჩიანის სახელი მიენიჭა. გადამწყვეტილების მიღების პროცესში ჩართული იყო როგორც ცენტრალური, ისე ადგილობრივი თვითმმართველობის ორგანოები, – მესტიის მუნიციპალიტეტის მერია, მესტიის მუნიციპალიტეტის საკრებულო და სკოლის სამეურვეო საბჭო. აღნიშნულთან დაკავშირებით, სკოლის სახელდებისადმი მიძღვნილი ღონისძიება გაიმართა, რომელსაც ესწრებოდნენ მესტიის მუნიციპალიტეტის საკრებულოს თავმჯდომარე, ბატონი მაიზურ ჯაფარიძე, საკრებულოს საპროცედურო საკითხთა კომისიის თავმჯდომარე შორენა ცინდელიანი, საინიციატივო ჯგუფის წევრები – ფილოლოგიის დოქტორი ია ლაღუა, მწერალი ირაკლი შამათავა, ადგილობრივი მკვიდრი და ზურაბ გურჩიანის ბავშვობის მეგობარი რამაზ გურჩიანი, ასევე პოეტი ნანა ქელეხიძე, კოლეჯ „თეთნულდის“ დირექტორი ირმა ჯაფარიძე, ეცერის ანსამბლი „რიპო“, გმირის ოჯახის წევრები და სოფლის უხუცესი თუ ახალგაზრდა თაობა. ღონისძიება სკოლის დირექტორმა, ქეთევან გურჩიანმა გახსნა, რომელმაც მადლობა გადაუხადა დამსწრე საზოგადოებას და ყურადღება გაამახვილა 23 მაისზე, სკოლის დირექტორის განცხადებით, სწორედ ოჯახთან შეთანხმებით, სპეციალურად ეს დღე შეირჩა, რადგან საიუბილეო თარიღია... ზურა ნელს 50 წლის გახდებოდა! „პირველი ნელი იქნება, როდესაც სკოლის მოსწავლეთა ატესტატზე დაეწერება საქართველოს ტერიტორიული მთლიანობისთვის დაღუპული გმირის, ზურაბ გურჩიანის სახელი“, – განაცხადა ქეთევან გურჩიანმა, ხოლო სახელდების ინიციატორის, ია ლაღუას განმარტებით, ბედნიერია ის თაობა, რომლის ბიოგრაფიაშიც ჩაინერება: „დამთავრა სსიპ ზურაბ გურჩიანის სახელობის მესტიის მუნიციპალიტეტის სოფელ ეცერის საჯარო სკოლა“. ეს იქნება, ერთი მხრივ, გმირისადმი გამომხატული მადლიერება და მეორე მხრივ, შესვენება, თუ როგორი განსაკუთრებული როლი აქვთ სკოლის კურსდამთავრებულებს ქვეყნის აღმშენებლობის საკითხებში. მესტიის მუნიციპალიტეტის საკრებულოს თავმჯდომარე, ბატონმა მაიზურ ჯაფარიძემ ისაუბრა სახელდების მნიშვნელობაზე და მადლობა გადაუხადა ზურაბ გურჩიანის დედას, ქალბატონ ნინელო გაბრიჭიძეს. საკრებულოს თავმჯდომარის განმარტებით, სკოლის სახელდება მნიშვნელოვანი მოვლენაა, რამდენადაც ექნებათ მოსწავლეებს იმის განცდა, რომ ამავე სკოლაში სწავლობდა გმირი, რომელიც ქართული სახელმწიფო ერთიანობისთვის თავგანწირვით იბრძოდა. როგორც სახელდების ინიციატორმა, მწერალმა ირაკლი შამათავამ აღნიშნა, სკოლისთვის ზურაბ გურჩიანის სახელის მინიჭებას მხოლოდ ვინცო ინტერესი არ გააჩნია. გარდა იმისა, რომ ზურაბი ამ სკოლის კურსდამთავრებული და საქართველოს ტერიტორიული მთლიანობისთვის დაღუპული მებრძოლია, სახელის მინიჭება აუცილებელია როგორც გმირის ისტორიული ღვაწლის დასაფასებლად, ისე მომავალ



ლი თაობის იდეოლოგიური აღზრდისთვის. ღონისძიებაზე, პირველკლასელმა მოსწავლემ და წლივეანდელმა კურსდამთავრებულმა სიმბოლურად გაჭრეს ლენტი, რის შემდეგაც სკოლის კედელზე სახელდების აბრა დამონტაჟდა და იქვე ინფორმაციული დაფაც გაიხსნა, სადაც აღნიშნულია, რომ 1978-1988 წლებში, სკოლაში სწავლობდა აფხაზეთის ომის გმირი ზურაბ გურჩიანი. ინფორმაციისთვის, ზურაბ გურჩიანი სწავლობდა მესტიის რაიონის სოფელ ეცერის საშუალო სკოლაში, რომელიც 1988 წელს წარჩინებით დაამთავრა. 1991 წელს ჩაირიცხა სოხუმის ივ. ჯავახიშვილის სახელობის სახელმწიფო უნივერსიტეტის ბიოლოგიის ფაკულტეტზე. 1992-1993 წელს, საქართველოს ტერიტორიული მთლიანობისთვის ბრძოლაში მონაწილეობის ნაშთად, 21 წლის ზურაბ გურჩიანი საკუთარი სურვილით ჩაება საბრძოლო მოქმედებებში და 23-ე მექანიზებული ბრიგადის მე-8 ბატალიონის II ასეულში, ე.წ. „ბაგრატიონის ასეულში“ მსროლელად ჩაირიცხა. საქართველოს შეიარაღებული ძალების გენერალური შტაბის არქივში დაცული საბრძოლო მოკვლევების საფუძველზე დადასტურებულია, რომ ზურაბ გურჩიანი გმირულად იცავდა საქართველოს ტერიტორიულ მთლიანობას და არაერთხელ გამოიჩინა თავი ფრონტზე. ზურაბ გურჩიანი ერთ-ერთი იყო იმ გმირთაგან, რომელიც 1993 წლის 5 ივლისს, აფხაზ-რუს-ჩრდილო კავკასიელთაგან კამანის დაცვისას, სისხლის უკანასკნელ წვეთამდე იბრძოდა და ბრძოლის ველზე შეუერთდა უკვდავებს... მხოლოდ 2 თვის შემდეგ, 1993 წლის 1 სექტემბერს შეძლო ოჯახმა ზურაბ გურჩიანის ცხედრის მოძიება. დაკრძალულია მშობლიურ სოფელ ეცერში. ზურაბ გურჩიანის წერილი მამას: „გამარჯობა, საყვარლო მამიკო! როგორ ხარ, ხომ ხარ კარგად? კარგადაც მიმყოფოს შენი თავი ღმერთმა. მამიკო, რა არი?! მესმის შენი, გედარდები, მაგრამ მთლად ასე არ უნდა დაეცე. ვისი შვილი არ წასულა ომში. მამი, მე ვერ დაგპირდები დღეს და ხვალ ჩამოსვლას, მაგრამ დაჯის ქორწილში ჩამოვალ. ასე რომ, ნუ დარდობ და, თუ ღმერთი გნამს, მიმხედვე დედას.

მამიკო, დედა სულ მეკითხება მიზეზს აქ წამოსვლისა. მამიკო, მე გეტყვი შენ ერთ რაღაცას. შარშან ბიჭებმა ვთქვით, თუ ომი დაიწყო, გულდებალი იყოს, ვინც არ წავიდესო. აქ რომ ჩამოვედი, ის ბიჭები, ყველანი, გვარდიაში იყვნენ და იყვნენ პირველი დღეებიდანვე. ერთი ჩემი ამხანაგი მოკლეს თურმე ოჩამჩირეში და იმის საფლავზე დაიფიცეს, რომ ბოლომდე მდგარიყვნენ. მე რომ შემხვდნენ, მითხრეს, რას შერებო? თქვენ რას შერებთ-თქო და მამბეს ამ ბიჭის ამბავი. ბაღრი მუშუქდიანთან ერთად



ჩაუგდიათ თურმე ტყვედ, დაჭრილი უნამებიათ, დაიჩოქეთ. არ დაუჩოქია და მუხლები მოუმტვრევიათ. ეს ბედი ენია სამივეს, მათ შორის, ბადრიასაც. ჰოდა, მათ საფლავებზე დაუფიციათ ბიჭებს. მამიკო, დათო ჩემი ყველაზე უახლოესი მეგობარი იყო, კარატივისტი ბიჭი იყო. მე რა მეთქვა, გავმრი... მინდოდა გვარდიაში შესვლა მანამდეც, მაგრამ თქვენს ჩამოსვლას ველოდებოდი. არ მინდოდა ასე დაუკითხავად წამოსვლა, ვიცოდი, არ გამომიშვებდით, მაგრამ ნათქვამი ხომ მაინც მექნებოდა. მერე აუცილებლად ვაპირებდი წამოსვლას, მამა, რატომ იცი?! როცა მტერი აფხაზი იქნება, თუ რუსი, ჩეჩენი თუ ოსი შენს მინას გეცოლება... ქართველი ბავშვების სისხლს სვამენ, გოგონებს ქართველი კაცების თვალში აუბატოურებენ, ტუტუებზე აჭრიან და მერე, ჭამეო, გულებიან... არა, მამა, თუ ეს ყოველივე შერჩათ აფხაზებს და მათ დამქაშებს, მაშინ ჯობია, მამაკაცებმა შარვლის მაგივრად კაბები ჩაიცვათ, ხელში სასუსვი დავიკავოთ და ექსოვოთ. მამა, მე მითხრა დედამ, ავად არიო. მამი, ძაან გთხოვ, გამარდი ახლა როგორ მე. ჩემი ჩამოსვლა თუ გიშვების, მაშინ, გირჩეო, ქალის თავსაფარი გამიშვადე და რომ ჩამოვალ, ის დამახურე თავზე. მამა, მე ასე მჯერა, შენ რომ ჩემზე იქნებოდი, შენც ჩემსავით მოიქცევიდი. მამიკო, მე ვმერყობდი. მე და გაა რომ ვიყავით აქ, მაშინ ქუჩაში მივდიოდით და დავინახე ახალი ანაფთქები, მივედი ახლოს და 12 წლის ბავშვი გამხდარიყო ამ აფეთქების მსხვერპლი, დედა-შვილი შეინირა ამ აფეთქებამ. მამიკო, მაშინ ვთქვი, სანამ პირში მიდგას სული, არ შერჩება არცერთ მომხდურს ქართველის სისხლი. მამა, ამ გაგებით შევედი გვარდიაში და ამ აზრზე ვარ დღე-

საც. ის დანარჩენი ჩემი ამხანაგებიც ჩემთან ერთად გამოვიდნენ, გამოვიტანე ჩემი და მათი ნიგნაკები. დედას ვანახე, მამიკო... ვერ ვუღალატებ ამ ბიჭებს... დედა მეუბნება, სხვები რომ იძალბებინ, შენც დაიძალბეო. სხვებიც ვერ შევძებნე თავის სოროში მეც... მეტირა მოგწერო, მამიკო. გკოცნი და გკოცნი. ვაჟკაც კაცს არ შეშვების „ვაი“ და „უი“, პირიქით, ისე მოიქეცი, ომში კი არა, სადმე, ლხინში გეგულბოდეს ჩემი თავი. მე თუ მკითხავ, ყველაზე მთავარი საქმე ქართველი კაცისთვის ეს არის აქ დგომა და უტეხი ხალხის დაცვა. მე ამას ქართველი კაცის ვალად ვთვლი. ისტორიკოსი კაცი ხარ და გეცოდინება, ხალხი, ვინც იარაღით ხელში იბრძოდა სამშობლოსათვის, გმირებად იქცნენ, ხოლო ისინი, ვინც ამ ომს გაექცა, ლაჩრებად მოინათლნენ. მე არ მინდოდა ლაჩარი მრქმეოდა. არც შენ გაგებარდება, ვიცი, ლაჩარი შეილის ყოლა. ჰოდა, მოხროლად კი არა, ნელში გამართული უნდა დადიოდე, რომ არ ავირჩიე ლაჩარი მრქმეოდა. მეტირა, მამი, კარგად იყავი. წერილი... წერილს უყვარს ლამაზი სიტყვე-



ბი. მე კი ერთს გეტყვი, მე ჩემი თავი მართალი მიმარჩია შენს წინაშე და სამშობლოს წინაშეც. ვიცი, გიმძიმს ჩემი აქ ყოფნა. მამა, ძაან გთხოვ, თავს მოუფრთხილდე. კიდევ ერთხელ გკოცნი. ნუ გეშინია, დაჯის ქორწილზე აუცილებლად ვიქნები. ზურა“.

P.S. მოხარული ვართ გაცნობოთ, რომ სამშობლოს წინაშე ვალმონდილი ზურაბ გურჩიანის სახელობის ეცერის საჯარო სკოლაში ასევე დანერგულია პროცედურები სკოლის ბიბლიოთეკისათვის ვენერა პაკელიანის სახელის მინიჭების შესახებ. ვენერა პაკელიანი გახლდათ გეოგრაფიის მასწავლებელი, გამოჩენილი პედაგოგი და ავტორიტეტული ქალბატონი, რომელიც ათეული წლების მანძილზე იყო ეცერის საჯარო სკოლის დირექტორი. 8 წლიანი სკოლა სწორედ ქალბატონი ვენერა პაკელიანის ძალისხმევით გადაკეთდა საშუალო სკოლად. ვენერა პაკელიანი იყო დირექტორი, რომელმაც შეძლო განათლების სისტემის გაძლიერება, ყველა საჭირო რესურსის მობილიზება, ცვლილებების ეფექტურად გატარება და საჭიროებების განხორციელება, რათა შეექმნა ძლიერი და ღირსეული საგანმანათლებლო კერა.

ონლაინ გაზეთი „თაობაXXI“

პროექტის „STREAM სამაყაროს“ შესახებ არაერთხელ დამინერია, იცით, რომ შევქმენით და ახალგაზრდებისთვის ნიგნის კითხვა სასიამოვნო და საქმიანი პროცესი გავხადეთ. რა არ გავაკეთეთ, ვის არ შევხვდით, ვინ არ გავიცინით და ამასობაში თვეები თვეებს მიჰყვა, შედეგი, შედეგს... დღეს კი გვაქვს პატივი წარმოვიდგინოთ ჩვენი პროექტის საუკეთესო შემოქმედებითი პროდუქტი, ონლაინ გაზეთი „თაობაXXI“. გაზეთის თემატიკა მრავალფეროვანია: ეკოლოგია, კულტურული მემკვიდრეობა, სასკოლო ცხოვრება, წარმატებული ადამიანების ისტორიები, კოსმოსი და სხვა. ნიგნის „მთვარის მედალიონის“ წაკითხვის შემდეგ, აქტივობები იმგვარად შევიმუშავეთ, რომ ჩამოვყალიბეთ მედია კლუბი, რომლის მიზანია ხელი შეუწყოს ახალგაზ-




რდებში მედია ნიგნიერების, კრიტიკული და ანალიტიკური აზროვნების, წერის უნარების განვითარებას. გილოცავთ, ახალგაზრდებო! თქვენმა დაუღალავმა შრომამ და ინტერესმა ნაყოფი გამოიღო, წარმატებები და მეტი და მეტი მოტივაცია გქონოდათ. როცა გყავს გვერდით ისეთი პედაგოგები, როგორებიც არიან ლალი მარგარიანი, თეა ტალახაძე, ნინო გაბულდანი, სოფიო ქუხილაძე, აბა კარგი შედეგები რა გასაკვირია? მადლობა გილოცავთ, მადლობა ახალგაზრდებო, ამ ძვირფასი საჩუქრისთვის. მეგობრებო, გთხოვთ, გამოინეროთ ჩვენი გვერდი და გახდეთ ახალგაზრდების შემოქმედების აქტიური მკითხველები.

ჭადრაკი სკოლებში

საქართველოს განათლებისა და მეცნიერების მინისტრის, მისიელ ჩხენკელის გადამწყვეტილებით, მოსწავლეები ჭადრაკს პირველ კლასში სავალდებულო საგნად შეისწავლიან. ამის შესახებ ინფორმაციას განათლებისა და მეცნიერების სამინისტრო აქვეყნებს. „მოსწავლეებში ანალიტიკური, ლოგიკური, კრიტიკული აზროვნებისა და პრობლემების პრაქტიკული გადაჭრის უნარ-ჩვევების განვითარების მიზნით, ჭადრაკი ზოგადი განათლების დანერგვითი საფეხურის პირველ კლასში სავალდებულო საგნად ემატება. სავალდებულო საგნად ჭადრაკის შესწავლა 2022-2023 წლის სექტემბრიდან იგეგმება, მანამდე კი ჭადრაკის ეროვნული ფედერაციასთან თანამშრომლობით აქტიურად მიმდინარეობს მოსამზადებელი სამუშაოები, მასწავლებლების

ტრენინგების ორგანიზებისა და სასწავლო რესურსების მომზადების კუთხით. ჭადრაკი აუმჯობესებს მოსწავლეთა მრავალმხრივ უნარებს, როგორებიცაა: ყურადღება, კონცენტრირება, მეხსიერება, ანალიზი, ლოგიკა, გადაწყვეტილების მიღება. დავალებებს სახლში შესასრულებლად არ გაატანენ, თუმცა დეტალები კიდევ ზუსტდება - ვინ შეადგენს დიაგნოსტიკური შეფასებისთვის დავალებებს და ვისთვის არის ის სავალდებულო. აღსანიშნავია, რომ სკოლებში ჭადრაკის სწავლება გათვალისწინებულია ევროკავშირის 2012 წლის დეკლარაციით, რომელიც საგანმანათლებლო სისტემებში ჭადრაკის სწავლების დანერგვას ითვალისწინებს.“ - აღნიშნულია განათლებისა და მეცნიერების სამინისტრო მიერ გავრცელებულ ინფორმაციაში.

პროექტი „დიდგორელი“



25 ივნისს, მესტიაში, სვანეთის ისტორიისა და ეთნოგრაფიის მუზეუმში საგანმანათლებლო პროექტის „დიდგორელი“ ფინალური ტური გაიმართა.

კონკურსი მიზნად ისახავს ისტორიის საგნის პოპულარიზაციას.

პროექტის ავტორები არიან ირაკლი მიქიანი და ლევან ფვანია. მათ ქვეყნის მასშტაბით არაერთი საგანმანათლებლო პროექტი აქვთ განხორციელებული და როგორც თავად განაცხადეს, გაჩერებას არ აპირებენ.

კონკურსი „დიდგორელი“ მოიცავდა 4 ეტაპს.

პირველ ეტაპზე სკოლებმა შიდა კონკურსით გამოავლინეს შემდეგ ტურში გამსვლელი მოსწავლეები.

მეორე ტურში მოას-

პარეზე 100-ზე მეტი მოსწავლიდან მესამე ტურში 50



მონაწილე გადავიდა.

მესამე ტურში მონაწილეობა მიიღეს იდლიანის, ყარ-სგურიშის, ნაკრას, ფარის, ეცერის, ბეჩოს, ცხუმარის, ლატალის, ლენჯერის პირველი, ლენჯერის მეორე, მიხეილ ხერგიანის სახელობის მესტიის მეორე, მესტიის მესამე, იელის, მუ-



ლახის, რევაზ მარგიანის სახელობის მუჟალის, კალას და უშგულის საჯარო სკოლებისა და მესტიის წმინდა ლარიონ ქართველის სახელობის მართლმადიდებლური სკოლა-გიმნაზიის მოსწავლეებმა.

მესამე ტურში გასული მოსწავლეებიდან გამოვლინდნენ ფინალისტები: ბექა ქურდიანი (მულახის სკოლა), თინათინ ჯაფარიძე (სკოლა გიმნაზია), ადელა კვანჭიანი (ლატალის სკოლა), ლუკა ნიჟარაძე (უშგულის სკოლა) და მარიამ კვანჭიანი (იდლიანის სკოლა).

კონკურსის გამარჯვებული გახდა მულახის საჯარო სკოლის მოსწავლე ბექა ქურდიანი, რომელიც პროექტის გენერალური სპონსორისგან, კომპანია არემჯისგან მიიღებს „დიდ-



გორელის“ 6 თვიან სტიპენდიას.

დაჯილდოვების ცერემონიალი ჩატარდა სვანეთის ისტორიულ-ეთნოგრაფიულ მუზეუმში. ღონისძიებას ესწრებოდნენ პროექტის ფინალისტები, ნახევარფინალისტები და ისტორიის პედაგოგები. თითოეულ მათგანს საჩუქრად გადაეცა სხვადასხვა წიგნი საქართველოს ისტორიის შესახებ. გამარჯვებულებს ასევე გა-

დაეცათ ირმა ჯაჭვლიანის წიგნი „დედას დღიურები (აფხაზეთის ომი)“. ირმა ჯაჭვლიანის ინიციატივით დაჯილდოვების ცერემონიალის დროს მოეწყო მისი წიგნის გაყიდვა და შემოსული თანხა გადაეცა პროექტის გამარჯვებულს.

ასევე, ყველა მონაწილესა და მათ პედაგოგებს საჩუქრად გადაეცათ სხვადასხვა ისტორიული წიგნები.

მუნიციპალური კონფერენცია „საუკეთესო პრაქტიკა“

29 ივნისს TEAMS - პლატფორმაზე ჩატარდა მასწავლებელთა და დირექტორთა მუნიციპალური კონფერენცია სახელწოდებით „საუკეთესო პრაქტიკა“ რესურსცენტრის ხელმძღვანელის ქალბატონ დარეჯან ნიგურაიანისა და ეროვნული სასწავლო გეგმის დანერგვისა და განვითარების კოორდინატორის ორგანიზებით და საქართველოს განათლებისა და მეცნიერების სამინისტროს სკოლამდელი და ზოგადი განათლების განვითარების დეპარტამენტთან თანამშრომლობით.

კონფერენცია ზოგადი განათლების რეფორმის ფარგლებში განხორციელდა და წარმოადგენდა ერთგვარ შეჯამებას და ანალიზს წლის მანძილზე დანერგილი კომპლექსური დავალებების შედეგებისა.

კონფერენციის საპატიო სტუმრები იყვნენ ეროვნული სასწავლო გეგმის ექსპერტი ბატონი ნიკო სილაგაძე და „ახალი სკოლის მოდელის“ მხარდამჭერი პროგრამის ხელმძღვანელი ციცია გაგნიძე.

საინტერესო თემებით მონაწილეობა მიიღო მესტიის 11 სკოლის 23-მა მასწავლებელმა

მარინე გიგდელიანი (ისტორია) -სსიპ მესტიის მუნიციპალიტეტის მესტიის №3, ლენჯერის#2 საჯარო სკოლები, კომპლექსური დავალება კედლის გაზეთის შექმნა

ლამპრობის დღესასწაულთან დაკავშირებით“.

მაკა გაბუნია (ისტორია) -სსიპ მესტიის მუნიციპალიტეტის სოფ.ეცერის ზურაბ გურჩიანის სახელობის საჯარო სკოლა „სტატიის შექმნა თანამედროვე სამყაროში მმდინარე გლობალურ პროცესებზე“.

მაია გულედანი (ისტორია) - „სტატიის შექმნა ჯვაროსნებისა და დავით აღმაშენებლის ეპოქის საქართველოს ურთიერთობაზე“.


ლამარა გირგვლიანი (გეოგრაფია) - მესტიის მუნიციპალიტეტის სსიპ სოფელ ლატალის საჯარო სკოლა, კომპლექსური - საგაზეთო სტატიის მომზადება სპარსეთის ყურის ქვეყნებში „შავი ოქროს“ მნიშვნელობაზე.

ნინო ბეგიაშვილი - სსიპ მესტიის მუნიციპალიტეტის №2 საჯარო სკოლა - (ქიშია) თემა: „ატომის აღნაგობა“.

ირმა კვანჭიანი (მათემატიკა საბაზო საფეხური) - მესტიის მუნიციპალიტეტის სსიპ სოფ.ხაიშის საჯარო სკოლა, კომპლექსური დავალება „ღონისძიების დაგეგმვა, საკითხები: არაუარყოფითი რაციონალური რიცხვები- ათწილადები.

თამარ გვიჭიანი (მათემატიკა დაწყებითი საფეხური) მესტიის მუნიციპალიტეტის სსიპ სოფ.ხაიშის საჯარო სკოლა, კომპლექსური დავალება „ჩემი სოფელი“.

მაია გულედანი - მესტიის



მუნიციპალიტეტის მესტიის №3, სოფელ ლენჯერის №1 და ლენჯერის №2 საჯარო სკოლები -კომპლექსური დავალება „წყლის ბორბალი“ .

მარიანა ჭკადუა (დაწყებითი საფეხური) - მესტიის მუნიციპალიტეტის სსიპ სოფ. ხაიშის საჯარო სკოლა, კომპლექსური დავალება - ამბის წინაშე ეპიზოდის მოფიქრება ი.გოგებაშვილის „ჭკვიანი ძაღლების“ მიხედვით.

ნინო გვიჩიანი (დაწყებითი საფეხური) - მესტიის მუნიციპალიტეტის სსიპ სოფ. ხაიშის საჯარო სკოლა, კომპლექსური დავალება - მისწერე წერილი „შელის ნუკრის ნაამბობის“ მთავარ პერსონაჟს, საკომუნიკაციო მიზნის და ადრესატის გათვალისწინებით.

ლელა ცარციძე (დაწყებითი საფეხური) - მესტიის მუნიციპალიტეტის სსიპ სოფ. იელის საჯარო სკოლა, კომპლექსური დავალება -იგავის შექმნა ჟანრობრივი მახასი-

ათებლების გათვალისწინებით.

ზემერა ავალიანი (ხელოვნება)- სსიპ მესტიის მუნიციპალიტეტის მესტიის №1 საჯარო სკოლა, კომპლექსური დავალება „XIX – XX საუკუნის ზოგიერთი მიმდინარეობის სტლში ნამუშევრების შექმნა და გამოფენის მოწყობა“.

ლია ლევაშვილი (სპორტი) - სსიპ მესტიის მუნიციპალიტეტის მესტიის №3 საჯარო სკოლა-„სამთო სათხილამურო სპორტი“.

თინათინ დიასამიძე (ინკლუზიური განათლება) - სსიპ მესტიის მუნიციპალიტეტის მესტიის №3 საჯარო სკოლა - სსსმ მოსწავლის ინდივიდუალური სასწავლო გეგმა (15 წთ)

თეონა ფანგანი (საინფორმაციო ტექნოლოგიები) - სსიპ მესტიის მუნიციპალიტეტის იფარის საჯარო სკოლა, „პრეზენტაციის შექმნა Microsoft powerpoint პროგრამის გამოყენებით“ ლიდერობის მიმართულებით.

ეკატერინე ფილფანი, ნათია გოშთელიანი -სსიპ მესტიის მუნიციპალიტეტის მესტიის №3 საჯარო სკოლა, სასკოლო პროექტი „მით ვისწავლებით მოგვეცეს შერთვა ზესთ მწყობრთა წყობისა“.

ლილი გვარამიანი - სსიპ მესტიის მუნიციპალიტეტის სოფელ ცხუმარის საჯარო სკოლა - სასკოლო პროექტის თემა: კულტურული მემკვიდრეობა.

ინგა მოდებაძე, მარინე ჭკადუა - სსიპ მესტიის მუნიციპალიტეტის სოფელ იდლიანის საჯარო სკოლა - სასკოლო პროექტი: „ხელოვნება იცავს ბუნებას“.

ქეთევან გურჩიანი - - სსიპ მესტიის მუნიციპალიტეტის სოფელ ეცერის საჯარო სკოლა - სასკოლო პროექტის თემა:კულტურათა მრავალფეროვნება.

ნატო გვარლიანი - სსიპ მესტიის მუნიციპალიტეტის მესტიის №2 საჯარო სკოლა - სასკოლო პროექტი „ფინანსური წიგნიერება ჩვენი დაფინანსებული მომავალი“.

პრეზენტაციის დროს საინტერესო, კრეატიული კომპლექსური დავალება და სასკოლო პროექტი იქნა წარდგენილი, სადაც ნათლად ჩანდა მასწავლებლის და მოსწავლეების მაღალი მოტივაცია, ერთუზიზმი, შრომა და საქმისადმი სიყვარული. გამოჩნდა რომ მოსწავლეებს ძალიან მოსწონთ „სწავლა კეთებით“, რაც უმნიშვნელოვანესია.

გარდა იდეების გაზიარებისა, ეს კონფერენცია საუკეთესო საშუალება იყო თითოეული პრეზენტატორისთვის გამოცდილების გაზიარებისათვის და შექმნისათვის.

ულრმესი მაღლობა ყველა მონაწილეს, საგნობრივ ქოუჩებს და სტუმრებს. წარმატებები მინდა ვუსურვო ყველას!

მრავალმხრივ მისაზრახველი ქალბატონი

საგარეჯოში დაბადებული უმშვენიერესი ქალბატონი, რომელმაც ჯერ სკოლა, შემდეგ კი სამედიცინო ინსტიტუტი წარმატებით დაამთავრა, 1992 წელს, სვანების რძალი გახდა და მას შემდეგ, ფანგანების უძლიერესი ოჯახის დედაბოძა ბეჩოში. მან თავდაპირველად მუშაობა დაიწყო მესტიის სანეიდსადგურში, 2001 წლიდან კი ბეჩოს საექიმო ამბულატორიაში დაინიშნა ექიმად. აქვს შესაბამისი კვალიფიკაცია და პარალელურად მუშაობს მესტიის საავადმყოფოს პოლიკლინიკის



ტუბ. კაბინეტში ფტიზიატრად. ექიმის პროფესიას თინა კუზანაშ-

ვილი უთავსებს ასევე პედაგოგობას, 2003 წლიდან მაზერის საჯარო სკოლაში ასწავლის ქიმიას და ემსახურება მომავალი თაობების აღზრდის საქმეს. არის სამი არაჩვეულებრივი შვილის დედა, სოფელში ყველას იმედი და მარჯვენა ხელი. მისი ყოველდღიური ცხოვრება მუდამ მიმართულია ადამიანებზე ზრუნვისაკენ. არის საოცრად დიდსულოვანი, თბილი, ყურადღებიანი, განათლებული, ნიჭიერი, მშრომელი ქალბატონი. წერს ლექსებს, უყვარს ქველმოქმედება. ვინ მოთვლის, რამდენი

ავადმყოფი ადამიანისთვის გაუწევია უანგარო დახმარება, რამდენი კილომეტრი ფეხით გაუვლია ყინვასა და თოვლში?! ვინ მოთვლის, რამდენი ადამიანისთვის გაუწევია სამედიცინო დახმარება სოფლის გარეთაც.. ნეტავ ბევრი გვყავს ჩვენს გარშემო ასეთი კეთილი, უხმაურო და ყურადღებიანი ადამიანები? დიდხანს და ბედნიერად გამყოფოთ უფალმა, ქალბატონო თინა. თქვენზე დადებითის წერა უსასრულოდ შეიძლება ბევრი თინასნაირი ქალბატონი ჩვენს გარშემო.

ფორმა, როგორც ალარ ბავისდი

ოთხი წლის ხალხი იძახის ომი დაიწყო. კი, მაგრამ რა არის ომი? რა ხდება? ან ვინ არიან ის კაცები ერთნაირად რომ აცვიან? საინტერესოა, ოთხი წლის ბავშვი რას ფიქრობს, თუმცა ამას, დიდი ალბათობით, ვერც ვერასდროს გავიგებ.

დალაგდა. თითქოს, ის, რაც მაკლდა, ერთიანად მომეცა. ეს გრძელი პროცე-



სი სულ რაღაც წამის მეთავედში მოხდა. გაცნობითი შეხვედრა საინტერესოდ გრძელდება. ვსვამ შეკითხვებს და ვიღებ პასუხებს. ყოველი პასუხის შემდეგ უფრო და უფრო ვრწმუნდები იმაში, თუ რა იქნება ჩემი პროფესია.

სახლში შევედი და ოჯახის წევრებს გამარჯობის ნაცვლად პირდაპირ გამოუცხადე: „სამხედრო უნდა გამოვიდე“. პირველი მამაჩემს შევხედე. მანაც გამომხედა მშვიდი და აუღელვებელი სახით, რასაც ვერ ვიტყვი დე-

დაჩემზე. ის შემენინააღმდეგა, ეცადა გადაეფიქრებინა. მამაჩემმა კი არაფერი მითხრა, არადა ყველაზე კარგად ის ხვდებოდა, თუ რა რთულ გზას ვირჩევდი. ის ხომ უკვე ოცდაოთხი წელია საქართველოს საზღვარს იცავს და გამოვლილი აქვს ის, რაც მე უნდა გავიარო მომავალში.

რა თქმა უნდა, თოთხმეტი წლის ბავშვის ასეთ გადაწყვეტილებას არავინ შეხვდა სერიოზულად. მასსოვს ჩემი მეგობრების დამოკიდებულება: ერთმანეთს შეხედავდნენ და ამბოდნენ „ჰო იცი, მაინც გადაიფიქრებს“. ცოტა არ იყოს მწყინდა, თუმცა შემდეგში მოტივაციას მაძლევდა, რომ დამემტკიცებინა ჩემი გადაწყვეტილების სიმყარე.

თვრამეტი წლის უკვე ოთხი წელია ვიცი რაც მიწადა. ახლა რას ფიქრობენ ჩემი ოჯახის წევრები? ჩემი ყველაზე დიდი გულშემოტივრები არიან. მხარს მიჭერენ და ჩემს გვერდით არიან. ისინი ძალას მმტებენ, რომ ამ გზას ბოლომდე გავყვე. მამაჩემი მესაუბრა, ამისხნა თუ რისი გავლა მომიწევს, რა პრობლემებს უნდა შევეჭიდო მომავალში. ამ ასაკში უკვე კარგად მესმის, თუ რამდენი გამოიწვე-

ვის წინაშე დამაყენებს ჩემი არჩეული პროფესია. თუმცა წამითაც არ ვფიქრობ, გადაწყვეტილების შეცვლაზე.

ოთხი წლის ბავშვი ვერ ვხვდებოდი, რომ მაშინ რუსებმა მიწები და ძმები წაგვართვეს. წლების მომატებასთან ერთად, უფრო ძლიერ მტკივა ჩემი ქვეყნის ოკუპირებული მიწების საკითხი. მტკივა არნახული ადგილი, რომელიც მხოლოდ უფროსი თაობის მოგონებებში მაქვს ნახაზი.

დღეს უკვე წარმატებით გავიარე აკადემიის შიდა შესარჩევი ტურები. წინ ერთიანი ეროვნული გამოცდები და საწყისი მომზადების კურსია და დარწმუნებული ვარ, რომ ამ ეტაპსაც წარმატებით გადავლახავ, რადგან ზურგს მიმაგრებენ ჩემი ოჯახის წევრები და ახლო მეგობრები. არ ვიცი რა იქნება მომავალში, მაგრამ მწამს იმის, რომ ერთ დღესაც ენგურის ხიდთან ვიდგები და ჩემს და-ძმებთან ერთად ფეხს დავდგამ იმ მიწაზე, რომელიც ჩემს გონებაში ზურმუხტისფერია. ჩვენ აუცილებლად დავბრუნდებით აფხაზეთში.

LAG-ის ფაისბუქ გვერდი

მუნიციპალური ტურნირი მკლავჭიდიში

25 ივნისს, სოფელ ეცერში ჩატარდა მსოფლიოს 12 გზის ჩემპიონის, ერეკლე გურჩიანის სახელობის მუნიციპალური ტურნირი მკლავჭიდიში. შეჯიბრება ორ ასაკობრივ 2005 - 2006 - 2007 და 2008 - 2009 - 2010

წლებში დაბადებულ მოსწავლეთა შორის ჩატარდა, როგორც მარჯვენა ისე მარცხენა მკლავში.

შეჯიბრებას უძღვებოდნენ, ევროპის ჩემპიონი და მსოფლიოს ჩემპიონატის ვერცხლის პრიზიორი



- გიორგი ასუმბანი, მკლავჭიდის მწვრთნელი სოფელ ლატალში, ვალტერ გურჩიანი და ბაჩუკ გურჩიანი, ასევე მკლავჭიდის მწვრთნელები ს. ეცერში.

შეჯიბრებაში მონაწილეობდნენ ნაკრის, ეცერის, ბეჩის და ლატალის გუნდები.

თვითოეულ ასაკობრივ ჯგუფსა და სახეობაში გამოვლინდნენ გამარჯვებულები და პრიზიორები, ისინი დაჯილდოვდნენ შესაბამისი ხარისხის მედლებითა და დიპლომებით.

შეჯიბრების აბსოლუტური გამარჯვებული გახდა - ლუკა ვიბლიანი.

ერეკლე გურჩიანის სახელობის გარდამავალი თასი დაიკავა ს. ეცე-



რის მოსწავლეთა გუნდმა. მესტიის მუნიციპალიტეტის საკრებულოს და ააიპ მესტიის მუნიციპალიტეტის სპორტული ცენტრი უსურვებს წარმატებებს შეჯიბრების თვითოეულ მონაწილეს და მათ მწვრთნელებს!!!....

დაფუძნებელი: მესტიის მუნიციპალიტეტის საკრებულო.
მისამართი: დაბა მესტია, სატის მოედანი 1.
გაზეთი მოამზადა მესტიის მუნიციპალიტეტის საკრებულოს პრესცენტრის განყოფილებამ
ირმა ჯაჭვლიანი, ნინო ნაკანი
გაზეთი აიწყო და დაკაბადონდა შპს. „გამომცემლობა კოლორი“ (ტირაჟი - 600 ცალი)
ინფორმაციისათვის დაგვიკავშირდით ტელეფონის ნომერზე: 599 85 55 45
ირმა ჯაჭვლიანი
 ელ. ფოსტა: **Irma_ushba@yahoo.com**